

ما رنينگ گو جری نیو ز بلیٹن مو رخہ 02 اکتوبر 2023



یوہ آکا شوانی جموں ہے باغ علی طاہر تیں خبر سُنو۔



Mahatma Gandhi

قوم اج راشٹریتا مہا تمہ گاندھی نانہہ اُن غا 1 سو 54 واں جنم تہاڑہ ور اُن نانہہ خراج عقیدت پیش کر رہی ہے۔ اس موقعہ و ر پورا مُلک تے بیرون ممالک بھارتی سفارتخاناں مانہہ تقریب منعقد کی جا رہی ہیں۔ قومی راجدھانی مانہہ راج گھاٹ ور مہا تمہ گاندھی غی سمادھی ور ”سرو دھرما پراتھنا“ سبھا منعقد کی گئی۔ وزیر اعظم نریندر مودی نے آج سویرے راج گھاٹ ور مہا تمہ گاندھی نانہہ پُھلاں غا نذرانہ سنگ خراج عقیدت پیش کیو۔ لوک سبھا غا اسپیکر اوم برلا، مرکزی وزیر بر دیپ سنگھ پو ری، ڈاکٹر جتندرہ سنگھ، مینا کشی لیکھی تے کا نگریس صدر ملک آر جن کھڑگے وی مہا تمہ گاندھی نانہہ خراج عقیدت پیش کرن آلی شخصیات مانہہ شامل این۔ اپنا اک پیغام مانہہ صدر جمہوریہ درویدی مُرمو غو کہنو تھو جے مہا تمہ گاندھی غو سچائی تے عدم تشدد غو نظریو دُنیا واسطے اک نوو رستو دسن مانہہ مدد دئیے۔ نائب صدر جمہوریہ جگدیپ دھنکر غو کہنو تھو جے مہا تمہ گاندھی غو سچائی تے عدم تشدد غا اُصول سامراجی حکومت غے خلاف آزادی غی جد وجہد مانہہ رہنما روشنی غے حثیت رکھیں تھیا۔ وزیر اعظم نریندر مودی نے اس موقع ور جا ری کیا گیا اپنا اک بیان مانہہ کہیو جے مہا تمہ گاندھی غی تعلیمات لگاتار مہارا رستہ نانہہ روشن کر رہی ہیں۔ اُن غو کہنو تھو جے گاندھی جی غی تعلیمات غو اثر عالمیگر ہے۔ جہیڑی پوری انسانیت نانہہ اتحاد تے پیار محبت غو درس دئے۔ آج قوم سابق وزیر اعظم لال بہا در شاستری نانہہ وی اُن غا جنم تہاڑہ ور خراج عقیدت پیش کر رہی ہے۔ وزیر اعظم مودی غو کہنو تھو جے لال بہا در شاستری غی سادگی قوم غے تئیں اپنا آپ نانہہ وقف کرنو تے اُن غو ”جے جوان، جے کسان“ غو نعرو آج وی بڑی اہمیت رکھے۔ جہیڑو آئندہ نسلان نانہہ متاثر کر توره گو۔ ایل جی منوج سنہا نے وی مہا تمہ گاندھی تے لال بہادر شاستری نانہہ اُن غا جنم تہاڑہ ور خراج عقیدت پیش کیو ہے۔



LG

ذراعت تے تعلیم نانہہ 2 ترجیحی سیکٹر قرار دیتاں واں لیفٹنٹ گو رنر منوج سنہا نے کہیو ہے جے جموں کشمیر تے بھارت غا ترقی غا خواب مانہہ پُوراں کرن غی خاطر ضروری ہے جے آئندہ 3 بہراں واسطے بہتر انتظامیہ مہیا کران غی خاطر جدید ٹیکنالوجی غو استعمال کیو جائے۔ وے کل راج بھون مانہہ مستقبل واسطے تیار انتظامیہ غا عنوان سنگ اک اعلیٰ سطحی میٹنگ غی صدارت کر رہیا تھیا۔ ایل جی موصوف غو کہنو تھو جے اس سلسلہ مانہہ مربوط ترقی گا نظام

جسمانہ شہریاں ور مرکوز منصوبہ سازی شامل ہے غا تیار کرن غی لوڑ ہے۔ تانجے ماحولیاتی تبدیلی سائبر للکار نالے صحت، تعلیم تے ذراعت غا سیکٹراں مانہہ بڑھتی للکاراں سنگ نبڑیو جا سکے۔ انہاں نے مصنوعی انٹیلی جنس تے جدید ٹیکنالوجی ور مبنی آلات غو سکیمان نانہہ مزید موثر بنان غی خاطر استعمال کرن غی ضرورت ور وی زور دتو۔ اس میٹنگ مانہہ چیف سیکریٹری ڈاکٹر ارون کمار مہتہ، جموں کشمیر یوٹی غی یو نیو رسٹیاں گا وائس چانسلر تے دوجا محکماں غا سنئیر افسراں نے شرکت کی۔



PM Update

وزیر اعظم نریندر مودی آج راجستھان تے مدھیہ پر دیش غا دورہ غے دوران 26 ہزار کروڑ روپیاں غی لاگت آلی کئی ترقیاتی سکیمان غو نیں پتھر رکھن غے علا وہ کئی سکیمان نانہہ قوم غے ناں وقف کریں گا۔ وے چتوڑ گڑھ غا مقام ور 7 ہزار کروڑ روپیاں غی لاگت آلا کئی پروجیکٹاں نانہہ قوم غے نال وقف کریں گا۔ مہارا نمائندہ نے جانکاری دیتاں واں دسیو ہے جے وزیر اعظم اس موقعہ ور اک عوامی ریلی سنگ خطاب وی کریں گا۔ بعد مانہہ وزیر اعظم مدھیہ پر دیش روانہ ویں گا۔ جت وے گو انئیر غا مقام ور 19 ہزار 2 سو 60 کروڑ روپیاں غی لاگت آلا کئی پروجیکٹاں غو نیں پتھر رکھن غے نال نال کئی پروجیکٹ قوم غے ناں وقف کریں گا۔ وے دہلی۔ ودودرہ ایکسپریس وے قوم غے ناں وقف کریں گا۔ جس ور 11 ہزار 8 سو 95 کروڑ روپیاں غی لاگت آئی ہے۔ وے 1 ہزار 8 سو 80 کروڑ روپیاں غی لاگت آلا 5 دوجا سڑک پروجیکٹاں غو نیں پتھر وی رکھیں گا۔



Pole- VK Singh

مرکزی وزیر تے سابق فوجی سربراہ جنرل وی کے سنگھ غو کہنو ہے جے وہ دن ڈور نئیں جد پاکستانی مقبوضہ کشمیر نانہہ بھارت مانہہ شامل کر لیو جائے گو۔ وے مسلم نیشنل فورم نامی تنظیم غی طرفوں قومی راجدھانی مانہہ اک ترنگا ریلی کڈھیا جان گا موقع ور ریلی سنگ خطاب کر رہیا تھا۔ ان غو کہنو تھو جے یاہ گل بڑی اہم ہے جے ہم اس گل نانہہ سمجھاں جے پاکستانی مقبوضہ کشمیر مہاری زمین ہے تے مہاری ہی رہے گی۔ اور کوئی وی اس سر زمین ور قبضو نئیں کر سکتو۔ جنرل وی کے سنگھ غو کہنو تھو جے وہ وقت ڈور نئیں ہے جد پاکستانی مقبوضہ کشمیر غا لوکاں مانہہ بھارت مانہہ شامل ہون بارے خواہش تے بیداری پیدہ ویگی۔



Suspension

کو رپٹ افسراں غے خالف یوٹی انتظامیہ غی طرفوں سخت کاروائی کیا جان غا سلسلہ مانہہ سرینگر مانہہ ہال ہی مانہہ کو رپشن معاملہ مانہہ گرفتار کیا گیا 2 سنئیر افسراں نانہہ معطل کر دتو گیو ہے۔ جن مانہہ ڈی ایس پی شیخ عادل وی شامل ہے۔ اک حکمنامہ غے تحت محکمہ داخلہ نے ا

س افسر نانہہ گذشتہ ستمبر مہینہ گی 21 تا ریخ تیں معطل کر دتو ہے۔ اسے طرح غا اک ہور حکمنامہ غے تحت بدگام غا ایڈیشنل سپر ٹینڈنٹ آف پولیس گوہر احمد خان نانہہ وی فوری طور ور معطل کر دتو گیو ہے۔



NCC

جموں کشمیر تے لداخ غا این سی سی نمائنداں نے نویں دہلی مانہہ منعقد ”تھل سینا کیمپ“ مانہہ تمام مقابلان مانہہ بہتر کار کر دگی غو مظاہرو کیو ہے۔ این سی سی غا ڈپٹی ڈائریکٹر جنرل برگیبٹرو وی کے شرما نے جموں مانہہ جانکاری دیتاں واں دسیو ہے جے مہارا طالب علماں نے لڑکاں غی سطح ور چوتھی جد کہ لڑکیاں غی سطح ور چودھویں پوزیشن حاصل کی ہے۔ انہاں نے دسیو جے 12 دنان غا اس تھل سینا کیمپ غے دوران مہارا این سی سی نمائنداں نے پیچینگ رکا وٹاں، لائین لے آؤٹ، فائرنگ، عوامی تقریر، صحت تے صفائی ستھرائی اور جنگی مقابلان مانہہ حصو لیو ہے۔



اس غے نال ہی گوجری خبراں غو یوہ بلیٹن ختم ہوؤ۔

